

LXXXXX

سنة ۱

ایلول ۱۳۳۲

صافی: ۴

دارالفتون

حقوق فائز و لیث محمد و غیرہ

حقوق، سیاسیات، اقتصادیات

چولفراین [۲]

چکلرده (دره سد) شهرنده انعقاد ایدن بر قونغروده دول مرکزیه ایله متفقلمی آرسته بر گومروک اتحادی تأسیسی محسناشدن - بالطبع رسمی بر مقاوله به منجر اولمقسنزین - ساده جه بحث ایدلیدیکی اوراق حوادنده گورولمش ایدی . مسئله هم تاریخی و سیاسی ، هم ده اقتصادی بویوک براهیت عرض ایدلیدکندن علمی بر نقطه دن تدقیقی ، شبهه سز پک مناسب اولور .

چولفراین یا خود گومروک اتحادی نه دیمکدر ؟ بونک اک بارز مثالی نه زمان نروده باشلامش ، هانکی صفحه لردن کچمش ، نهایت نه به منجر اولمشدر ؟ چولفراینک اساسلمی نه ایدی ؟ عضولری کیملردی ؟ چولفراین نه صورتله اجرای فعالیت ایتمش ایدی ؟ گومروک اتحادلمی ، احتمالات مختلفه به کوره نه کی نتایج سیاسیه عرض ایده بیلیر ؟ علم اقتصاد ومالیده بونلر حقنده نه کی مطالعات وارددر ؟ چولفراین ، متنوع شرائط داخلنده نه کی نتایج اقتصادی تولید ایدر ؟

ایشته بر جوق سؤاللرکه جوابی اوزون تدقیقات ومناقشاتنه محتاجدر . بویولده کی تتبعات ، بلکه بویوک بر اثره زمین تشکیل ایده بیلیر . فقط ایشی اعظام ایدنجه بر مقاله ایله ایچندن چیقامامق اندیشه سیله بز بوراده - شمديك مجملأ - عمومی بعض مطالعات سردینی وبوصورتله مسائل روزمره به علاقه دار اولان صنف منورك تطمین احتیاجنی فائده دن خالی بولمایورز .

گومروک اتحادی ، بر مقاوله درکه آنی عقد ایدن دولتلر ، بر طرفدن کنندی آرسته لرنده کی

[۲] آلمانجه Zoll کومروک ، Verein اتحاد ، اجتماع کله لرندن مرکبدر . بویکله نك تورکجه مزنده نه صورتله (زولفراین) دیه تعمیم ایتدیکنی بیلمیورم . آلمانجه دهه کی (v) بی (ف) و (ei) بی (آی) دیه تلفظ ایتدیکن حالده (Z) ک آلمانجه تلفظنی براقهرق فرانسزجه تلفظنی قبول ایتک معناسز اوله کرکدر . بزجه (تسو) دهه غریبدر . واقعا بو حرف تماماً (چ) دهه دکدر . فقط هیچ اولمازسه خفیفجه (چ) تلفظ حقیقی به (ز) دن بر آاز دهه یاقیندر .

حدود اوزرنده هر درلو گومروك خطوطنى الغا ايله - جمله سى بردولت ايمش كى - يكدىكرى ممالكنه بلار سوم وموانع اموال وامتنعه امرا ايدرلر، دىكر طرفدن بونلر، اتحاده داخل بولونمايان دولتلرله اولان حدودلرى اوزرنده يعنى اموال وامتنعه اجنيه په قارشى عين رسومى تطبيق ايدرلر .

گومروك اتحادلرى، صورت مطلقه ده تجارت معاهده لرى ماهيتنى عرض وآنلر ك ساحه سياسته ك مهم نتايجنى توليد ايدرلر. دينيله بيليركه بونلر تجارت معاهده لر ينك ا ك عمومى لرى، ا ك قويلرى در. تجارت معاهده لر ينك ايشى، دولتلر ك منافع اقتصاديه لر ينى تأليف ايتكدى، گومروك اتحادى معاهده لرى ايسه بومنافى مزج وتوحيد ايدر. گومروك اتحادلرى، معاملات دوليه تاريخنده بالنسبه يكيدرلر. حتى استقلال وسلطته صاحب دولتلر آره سنده گومروك اتحادى مقاوله لر ينك ايجيه معين ومعروف يالكز برمثالى واردى، اوده (جولفراین) يعنى آلمان گومروك اتحاديدر . بزده اول امرده بونك تكامل تاريخيسندن بحث ايدىلم .

۱

آلمانيا نك مختلف دولتلرى آره سنده بر گومروك وتجارت مقارتنى فكرى ۱۸۱۵ ويانه قونفره سى زمانندن باشلار. جرمان قونفده راسيوننك تشكىلنه دائر ۸ حزران ۱۸۱۵ مقاوله سنك ۱۹ نجى ماده سى دييوردى كه : « قونفده ره دولتلر، فرانقفورت (ديته) نك ايلك اجتماعنده آلمان دولتلرى آره سنده تجارت وسير سفائن مناسباتنك ويانه قونفره سى طرفدن قبول ايديلن اساسلره توفيقاً صورت تنظيمى حقنده اجراى مذاكرات حقنى محافظه ايدرلر، [*] ۱۸۱۵ معاهداتى، آلمانيايى اوتوز سكز دولتن مركب بر قونفده ده - راسيون حالته قوييوردى . بواوتوز سكز دول هر طرفدن برچوق كومروك خطوطيله محاط وهربرى دىكر لرندن آرى حدود ودوائر رسوميه مالكدى . بو حال مساقيات ومبادلات تجاريه يى هر آديمده برچوق موانع ايله تضيق وازعاج ايتكدى ايدى. آلمانيا نك منافع اقتصاديه سى بونلر يينده برائتلاف عمومى يى استلزام ايدىيوردى .

[*] Article 19 — Les états confédérés se réservent, dès la première réunion de la Diète de Francfort, sur la manière de régler les rapports de commerce et de navigation d'un état à l'autre d'après les principes adoptés par le Congrès de Vienne.

۱۸۱۹ ده (قارلشناد) قونفره سنده (باد) حکومتی قونفره ده راسیون داخلنده سربستی تجارت تأسیسی تکلیفنده بولونمش ایسه ده بوندن بر نتیجه حاصل اولماش ایدی . عین دورده مقصد شهر (فرهدریق لیست) [*] ارباب تجارت وصناعدن مرکب بر جمعیت تشکیل ایدی . بوجعیتک مقصودی ، ولایات گومروکلرینک الفاسی ایدی . بوفکری نشر و ترویج ایچون ده (گومروک اتحادی جریده سی Zollvereinsblatt) نامیه بر عززه تأسیس ایدلش ایدی .

ینه اوصره لرده (ماین) نهری اوزرنده کی فرانقفورت شهری اهاالیسی ، مبحوث آلمان مقاوله اتحادیه سنک pacte fédéral وعدینه توفیقاً داخلی تجارتک سربستیسنی استعدا ایتدیلر . بو اینک تشبثات قونفره ده ره لک فکر استقلاله غیر ملایم کلدیکندن منتج موفقیات اولمادی . مع مافیه مملکتلرنده تحریت سیاسی ویرمکدن متحاشی بولان حکمدارلر ، بوکا مقابل ، تجارت وصناعتی فعالیت کتیرمک و ثروت عمومیته بتون منابعی ایشلمک وبالخاصه منافع مادیته انکشافنی تسهیل صورتیه افکاری اشتغالات سیاسیته باشقه جهتله چویرمک ایچون هیچ اولمازه سربستی تجارتی تشویق ایتلمی لازم کله جکنی درک و تیقش ایتدیلر . ذاتاً بر از اول پروسیا بعض تداییر اقتصادی ایله مقارنت تجاریه طریقنی آچمش ایدی . [۱] ۱۳ مایس ۱۸۲۴ تاریخنده منعقد بر معاهده ایله وورتمبرغ حکومتی هوهنزولرن برنسلکرینی کندی گومروک اصوله ربط و آنلره خصوصی بر جمعیت تشکیل ایدیوردی بو ، جنوبی آلمانیک برنجی گومروک اتحادی در .

۲۸ کانون ثانی ۱۸۲۸ مونیخ معاهده سیله ده باویه را ، وورتمبرغ قرا لیتلری ، بیلرنده

[*] ۱۷۸۹ ده (وورتمبرغ) ده (روتلینکن) ده دوغمش ۱۸۴۶ ده (قوفشتاین) ده متحرراً وفات ایشدر . وورتمبرغ مجلسنده مبعوث ایکن سوء اداره دن شکایتی حاوی بر استعدا ترتیب ایتدیکندن اون سنه قلعه بندلکه محکوم اولمش و آمریقایه قاچمشدر . اوراده بر پرده آنتراسیت معدنی کشف ایدره رک موقیته ایشلشدر . ۱۸۳۳ ده آمریقانک لایچیغ قونسلوسی صفیه آلمانیه دوغشدر . من مقاله ذکر ایدیلن خدمتدن باشقه ۱۸۴۱ ده Systeme national d'économie politique عنوانی بر اثر یازمش و بواثر ۱۸۵۱ ده (ریشه لو) طرفندن فرانسیزجهیه ترجمه و ۱۸۸۴ ده بدنجی دفعه طبع اولونمشدر . کلیات آثاری (استوتفارد) ده ۱۸۵۱ سنه سنده Haussier طرفندن باصلمشدر . حیات علمیسی حقنده فضله معلومات آلمی ایتدیلر (لهئون سهی) ک Nouveau Dictionnaire d'économie politique نک (۱۹۰۰) ایکنجی جلدینک ۱۷۱ نجی صحیفه سنده (آرتور رافالوویچ) امضاسی آلتنده یازیلان سطرلری اوقوملیدرلر . [۱] پرادیه فودره - Traité de droit international دردنجی جلد

برگومروک و تجارت اتحادی *ligue bavaroise* وجوده کتیرمک ایچون ائتلاف ایدیورلردی. بومقاوله موجبنجه عاقدلر یکدیگرینه قارشی حدودلری اوزرنده برگومروک رسومی الغا ایدیورلردی. بوا اتحاد، شواساسلره مستدایدی: رسومات داخلیه خطوطنک الغایی، یالکز بروعین تعرفه قبولی، مشترکاً آلمان وارداتک متناسباً تقسیمی - بومقاوله، چولفراینه مصدر اولان نمائل اتحادلره برنمونه اولمشر.

۱۴ شباط ۱۸۲۸ ده پروسیا حکومتی، جنوبی آلمانیک ایکی قرالیتی طرفدن تمل طاشی وضع اولنان حرکت مزج وتوکیدک اداره سنی آله الملق آرزوسنه دوشه رک مار الذکر باویدرا اتفاقنک مستند اولدینی اساسلردا ژرسنده (هس دارمشتاد) بویوک دوقه لئی و(آنهالت) دوقه لقلری ایله براتحاد عقد وبووجهله (*ligue prussienne*) ی تأسیس ایله دی. سنه مذکوره آغستوسنده هانوره، ساقس قرالیتی، ساقس دوقه لئی، هس-قاسل، اولدنبرغ، برونسویق، ناسسو، هس-هومبورغ ایله تورینگه، برهم و ماین اوزرنده کی فرانقفورت دوقه و پرنسلیکلری منافع مشترک لری حقنده مذاکرانده بولونمق اوزره (قاسل) ه مرخصلر کوندر دیلر.

۲۴ ایلول ۱۸۲۸ تاریخی قاسل معاهده سی، بودولتر ییننده (مرکزی آلمانیا اتحادی) ویا (تورینگه اتفاق *ligue thuringeoise*) دینلن اوچنچی براتحاد تجارتی تأسیس ایتدی. بویکی اتحادک غایه سی آکا اشتراک ایدن دولتلرک تجارتی پروسیا و باویدرا اتحادلرینه قارشی حمایه ایتک ایدی.

۲۷ مایس ۱۸۲۹ معاهده سیله پروسیا و باویدرا اتحادلری، یکدیگرینه واسع تسهیلات تجاریه بخش ایتدیله.

۲۷ مارت ۱۸۳۰ ده اولجه مرکزی آلمانیا یاخود تورینگه اتحادینه داخل اولان هانوره، برونسویق، اولدنبرغ، هس-قاسل (هس الکتورالکی)، (آیمبک *Eimbeck*) معاهده سیله او اتحاددن ایرلیدیلر و یینلرنده مشترک قوانین رسومیه قبول ایتکی تعهد ایلدیله. الحاصل بودورده آلمانیا ده دوت برگومروک اتحادی واردی: (۱) پروسیا [پروسیا-هس]، (۲) باویدرا [باویدرا - وورتمبرغ] (۳) آیمبک، (۴) مرکزی آلمانیا ویا تورینگه [افتراق ایدنلر خارج اوله رق] اتحادلری.

۱۸۳۱ ده پروسیا جکومتی، کندی تعرفه لرینی قبوله هس - قاسلی مجبور ایتدی.

۱۸۳۲ ده محصولاتنه سیله زیا، پومهرانیا، براندبورغ پیاسه لرینی آچقده منفعتدار اولان

(ساقس) قرالیتی پروسیانک تکلیفاتی قبول ایله دی . بو ایکی انفکاک مرکزی آلمانیا اتحادینی طاغیتدی و او اتحادک اعضاسی برر برر پروسیا حکومتک نقطه نظرینه اشتراکه مجبور اولدیله .

پروسیا ایچون آرتق پروسیا - هس اتحادی ایله باویه را - وورتمبرغ اتحادینی برآر دیه کنیرمکدن باشقه یاپیله جق برشی قالماش ایدی .

۲۲ مارت ۱۸۳۳ برلین معاهده سی بومرنج و توحیدی اجرا ایتدی . بوصورتله وجوده کلن واسع جمعیت ، ۱ کانون ثانی ۱۸۳۴ دن اعتباراً فعالیتله باشلايه جق و پروسیا تعرفه سیله اجرای معامله ایله چکدی . پروسیا ، بونک مرکز و محوری ، مدیر و سائقی اوله جقدی . ایشه بو وجهله آلمان گومروک اتحادی ، چولفراین تشکل ایتمش اولدی . ۱۸۳۶ ده بادوناسو ؛ بو اتحاده التحاق ایتدی . هانووره ، برونسویک و اولدنبورغ اتحاد خارجنده قالدیلر . وکندی بینلرنده تأسیس ایتدکلری (اتحاد رسوم و تکالیف Steuerverein) ک اعضاسی اوله رق قالدیلر .

۱۸۴۱ ده چولفراین مقاوله سی ۱ کانون ثانی سنه ۱۸۴۲ دن اعتباراً اون ایکی سنه مدت ایچون تجدید ایدلدی .

۱۸۴۵ ده یکرمدن فضله دولت حاکمه بو گومروک اتحادینه داخل بولونیوردی . ۷ ایلول ۱۸۵۱ ده پروسیا حکومتی هانووره ایله بر معاهده عقد ایتدی که بونکله هانووره و دیگر اتحاد رسوم و تکالیف دولتری ده ۱ کانون ثانی ۱۸۵۴ تاریخندن اعتباراً چولفراینه داخل اولدیله .

۴ نیسان ۱۸۵۳ ده آلف الیان اتحادلرک بتون ارکانی آره سنده چولفرانی (۱۲) سنه ایچون تمید ایدن بر معاهده امضا ایدلدی .

۲ اغستوس ۱۸۶۲ ده فرانسه حکومتی ایله « گرک کندی نامنه وکندی اصول تکالیف و رسومه داخل ذی حاکمیت دیگر ممالک و یا اقسام ممالک ایچون [*] و کرک آلمان [*] پروسیا اصول رسوم و تکالیفته داخل ممالک و اقسام ممالک شونلرایدی : لوکسنبورغ و قسماً مکلنبورغ بوبوک دوقه لفری .

روسو ، هجاند ، شونبرغ ، اولدنبورغ ، غران دوقه لغنک بیرکنفله امارتی ، آنهالت - ده ساو - کون ، آنهالت - برهنبورغ دوقه لفری ، والدهق و بیرمون پرنسلکری ، لیه پرنسلکی هسلاند غرافلته مربوط مایزنهام سنجای (bailliage درکه بر bailli دینلن ملکیه مأمورینک تحت حکم و قضا سنده بولنان اراضی دیمکدر .

گومروک و تجارت اجتماعك اعضای سائره سی [۱] نامنه حرکت ایدن « پروسیا اده سنده برلینده بر تجارت معاهده سی عقد ایدلدی .

باویه را ، وورتمبرغ و هاننوره بومعاهده نی تصدیقندن امتناع ایتدیلر . تصدیقنامه لرك مبادله سی ، چولفراینك اعضاسندن بولنان بوتون حكومتلرك آكا موافقتندن صكره واقع اوله جنی حكم مقسوله ایجاباتندن اولدیغندن بیسارق ، آلمان حكومتلرینك مذکور معاهده یه الحاق موافقتندن امتناع قطعیمی ، گومروك اتحادی دوره جاریه سنك انقضاسنده یعنی ۱۸۶۵ ده مذکور اتحادده داخل قالمق مقصدینك برافاده سی کبی تلقی ایدیه جگنی اعلان ایلهدی . بالعموم عاقدلرك تصدیقنامه لری ۹ مایس ۱۸۶۵ ده برلینده تعاطی ایدلدی . چولفراینه داخل بالجمله دولترك مرخصلری ، عین سنه نك ۱۶ مایس تاریخنده بو اتحادك یکی بر تعرفه و پروسیا - فرانسه تجارت معاهده سی اساسی اوزرینه تجدیدی ضمیمه بر معاهده امضا ایتدیلر .

۲

براغ مصالحه سنك [۲۳ آغستوس ۱۸۶۴] حصوله کنیردیکی تحولات عظیمه سیاسیه دن اول آلمان دولترلرینك خط ارتباطی ، آلمان اتحادینك اك قوی عناصر وعواملندن بریسی اولان چولفراین تاریخنك باشلیجه صفحاتی بالاده ایضاح ایدلدی . بواجتماعك غایه سی ، آلمانانك اجزاسندن اولان دولترك تجارت داخلیه سنی ترقی ایتدیرمك ، اونلرك ممالك اجنبیه ایله مبادلاتی تسهیل ایلمك ، تدایر مشترکه ایله بقایى تأمین ایدیلن مشترك بر اصول تجاریه وصناعیه واسطه سیله صنعت مایه یی رقابت اجنبیه یه

[۱] چولفراینك اعضای سائره سی شونلر ایدی . باویه را ، ساقس قرالیتلری ، هاننوره قرالیتی (كرك كندی نامنه و كرك شونبورغ لیبه پرنسلکی ایچون) وورتمبرغ قرالیتی ، باد بویوك دوقه لنی ، هس الكتورلکی ، هس بویوك دوقه لنی (كرك كندی ایچون و كرك هس لاندغرافلنك هومبورغ سنجائی bailliage ایچون) ، تورینكه گومروك و تجارت اتحادینی تشکیل ایدن دولتلر . كه ساقس بویوك دوقه لنی ساقس - ماینینكن ، ساقس آلتنبورغ ، ساقس قوبورغ و غوتا دوقه لقلری ، شوارچبورغ - رودولشتاد ، شوارچبورغ - صوندرسهاوزن ، بویوك و كوچوك رويس امارتلری ، برونسویق ، اولدنبورغ ناسساو دوقه لقلری ، فرانقفورت سربست شهری . (برهم) شهری . کندیسنك چولفراین داخل ایله تجارتنك تعلق ایتدیکی امواله عائد رسومك استیفاسی ومعاملات سائره یی تسهیل ایچون سربستی محلیسی خللدار اولقسنزین كندی مملكتنده چولفراینك گومروك دائره سی و آنتروپوسی تأسیس ایله مسنه موقت ایتمش ایدی .

قارشی یر صورت معتدله و منصفانه ده حمایه ایتمکدن عبارت ایدی . اکثر دول سائر نك اصول رسومیه سنه قیاماً چولفراین تعرفه سی خیلی سربست (لیه رال) ایدی . چولفراینك تأسیس ایتدیکی رسوم ، آلمان صناعتك برحمایه معتدله سی اساسندن آیرلمق سزین خیلی خفیف اولوب برکونا ممانعت قطعیه تشکیل ایتیموردی .

اتحادك اساسلری شونلردی [*] :

چولفراینه داخل دولتلر آره سنده حریت مطلقه تجارت [۱] - موانع مالیه داخلیه نك القایی .- محصولات اجنیه اوزرندن استیفای رسوم ایله مکلف اداره لرك گومروك اتحادی حدود خارجیه سنه نقلی .- اخراجات ، ادخالات و ترانسیت ایچون یکنسق قوانین قبولی .- هر دولت قونسولسریله سفائتك عین صورته و هر یرده عمومك حمایه سی آلتنه وضعی .- گومروك وارداتی یكونك اوچ سنه ده بر اجرا ایدیله جك تحریر نفوس نتیجه سنه کوره هر دولت مشارکه بیتده مقدار نفوس ایله متناسباً تقسیمی [**] .- هر دولت گومروکلرینك کندی مأمورلری معرفتیه و فقط اتحاد داخل دولتلرجه متفقاً قرارلاشدیریلان یکنسق بر پلانه توفیقاً اداره سی .- بر دولتک هر اوچ آیده بر کندی تحصیلاتی یکونی حقه ده عمومی وارداتك اوچ ایلک جدولنی تنظیم ایچون برلینده متأسس بر قلم مرکزی به حساب ویرمی سنه معاملاتك ختامنده مذکور جدول عمومی به کوره مصارف بعدالتزیرل هر برینك حصه سنه دوشه جك مقدارك تعیین و تسویه سی .- دوعروندن دوعرویه وبالواسطه آلتان تکالیف معناده ایله داخلی مروریه ، شوسه ، قانال ، انبار رسومی وسائر تحصیلات نمائنه نك هیئت مجتمعه حسابندن خارج اولمی .- Zollzentner نامی آلتنده یکی بر وزن اولچوسی ، الی کیلو غرامه مساوی بر گومروك

[*] قالو - Traité théorique et pratique de droit international جلد ۱ ، نومرو ۱۹۸

[۱] یالکز اوپون کاغدلری ، طوز ... کی دولت منفعتنه بر انحصار تشکیل ایدن موادك بیعی بوندن مستنادر یعنی سربست دکلدیر .

[**] آنجق فراتفورت ، شهر اهالیسك ثروت نسبییه سی حسبیه توزیع وارداتك کندی نفوس مقدار حقیقته فائق براساسه کوره اجرا اولومنی شرطیه چولفراینه داخل اولغه موافقت ایتمش ایدی . Steuerverein دولترینه یعنی هاونورده ، اولدنبورغ ، برونسویقه کلنجه بونلرك شراب توتون ، مستملکات ذخیره سی ادخالات رسومی ، چولفراینك دیگر دولتلرنده کنه نسبتله دهافضله حاصلات صافیه بر اقدیفندن بونلر ؛ عوض اولق اوزره کندیلرینه précipt نامی آلتنده حاصلات مشترکه اوزرنده استثنائی صورته ده و بوجه تقدم بر استیفا یاپدیردیلر .

کنسال quintal احدائی .- پروسیانک نه کو ویا تالهری ایله جنوب دولترینک فلورینی وبونلرک اقسامی آره سنده ثابت برنسبت تأسیسی .- قونفرانسلرده تذکرایدیان وفعلاً مجبوری اولق ایچون چولفراینک بتون اعضاسی طرفدن متحداً قبول ایدلک لازم کلن تعرفه تعدیلاتی تکلیفه هر دولتک صلاحیتی .

چولفراین یالکز کندی اعضاسی بیتنده مناسبات تجاریه تأسیسی ایله اکتفا ایتدی .
مخارجنی توسیع ایتک ایچون آوروپا و آمریقانک مختلف دولتریله متوالاً بر چوق معاهده لر عقد ایله دی .

از جمله فلمنک ایله ۲۱ کانون ثانی ۱۸۳۹ ، یونانستان ایله ۳۱ آغستوس ۱۸۳۹ ، دولت علیه عثمانیه ایله ۱۶۶ تشرین اول ۱۸۴۰ [*] ، انکلتره ایله ۲ مارت ۱۸۴۱ و ۳۰ مایس ۱۸۶۵ ، ایران ایله ۱۸۵۷ ، فرانسه ایله ۲ آغستوس ۱۸۶۲ ، آوستریا ایله ۱۱ نیسان ۱۸۶۵ ، ایتالیا ایله ۳۱ کانون اول ۱۸۶۵ تاریخلرنده معاهده لر عقد ایتدیکی کبی مختلف دیگر آوروپا دولتری و مکسیقا و جنوبی آمریقانک بعض جمهوریتلری ایله تجارت معاهده لری وجوده کتیرمشد .

۳

۱۸۶۶ ده پروسیا ایله آوستریا و آنک آلمان متفقلری آره سنده محاربه ظهور ایتدیکی زمان پروسیا حکومتی ، حال حرب حسیله پروسیا ایله آکا محارب حکومتلر آره سنده اولحه موجود معاهداتک و بالنتیجه چولفراینی تجدید ایدن ۱۸۶۵ معاهده سنکده مرعیتی دوچار انقطاع اولدیغنی اعلان ایله مش ایدی . فقط پروسیا و متفقلرینک بومعاهداته کندی حدود حکومتلری داخلنده ممکن اولدیغنی قدر رعایت ایده جکلرینی ده علاوه ایله مش ایدی .

پروسیا ایله آلمان دولتری آره سنده اعاده صلح ایدلیدیکی زمان چولفراینی تجدید ایدن ۱۸۶۵ معاهده سنکده مرعیتی و شوقدرکه عاقلردن هر برینک بر اعلان مفسوخیتی متعاقب اومعاهده حکمنی کندی حقنده اسقاط ایده بیللمسی قبول و تعهد ایدلیدی . (بیسمارک)
جنوبی آلمان دولترینک یکی گومروک اتحادینه قبولی ایچون آنلرک اوردولرینی پروسیانک حکمی آلتنه قویه حق وجهله پروسیا ایله بر مقاوله عسکریه عقد ایتلری لازم کله جکندی ده [*] بونک حقنده فضله معلومات آلق ایچون تورکجه معاهدات مجموعه سنک برنجی جلدینک طفسان دردنجی صحیفه سنه مراحت ایدلیدر .

اعلان ایتش و بو آرزوسی برینه کتیرلش ایدی . آرتق پروسیا چولفراینه یکی برشکل ، بر قونستیتوسیون ویرمک ایچون بو احوال دن مهارتله استفاده ایتدی .

بوامینه ، ۸ تموز ۱۸۶۷ تاریخنده شمالی آلمانیا قونفدهده راسیونی [*] ایله آلمانیا نك جنوبنده کائن باویه را ، وورتمبرغ ، باد و هس دارمشتاد آره سنده منعقد بر معاهده ایله موقع فعله چیقدی . بو گومروک معاهده سی ، اسکی اتحادك اساسات اقتصادی سنی ، گومروک تعرفه و قوانینك وحدتی ، تحصیلانك مشترکاً اجراسی ، وارداتك نفوسله متناسب صورتده تقسیم ، بومورروسومیه نك مراقبه سی اساسلرینی ادامه ایدیوردی . فقط بومعاهده چولفرانی مشترک بر مرکز حرکت و معاملات اولان مجلس اتحادی Bundesrath و بر گومروک پارلامنتوسی Zoll-parlament ایله تجهیز ایتدی .

شمالی آلمانیا قونفدهده راسیونك مجلس اتحادیسی ، جنوب دولتری مرخصلرینك ده انضمامیه چولفراینك (قوه اجرائیه) سنی تشکیل ایدیور ، (قوه تشریعی) ایسه آرای عمومی ایله جنوب دولتری اهالیسی طرفدن منتخب مبعوثلر انضمامیه شمال پارلامنتوسی یعنی (رایشستاغ) ه عائد بولونیور و بوهیئت عمومی (چول پارلامنت) عنواتی آلیوردی بولتری برآز ایضاح ایده لم :

دول مجتمعه نك بر عضو مشترکی اولان بوندسرات (مجلس اتحادی) ، شمالی آلمانیا قونفدهده راسیونی ایله جنوبی آلمانیا دولترینك الی سکز مرخصدن ترکیب ایدیوردی اتحاده داخل دولترک هر بری ، قاچ رایه مالک ایسه او قدر اعضا کوندریوردی [**] مجلس ، سنه ده بر کره ویا اکثر دفعه ثلث آرانك طلبی ایله برلینده اجتماع ایده جکدی (مجلس اتحادی) نك ایچنده مالیه ، رسومات و تکالیف ایچون ، تجارت و طرق اختلاطیه محاسبات اموری ایچون دائمی انجمنلر تشکیل اولونمش ایدی .

مجلس اتحادینك وظیفه سی ، گومروک پارلامنتوسنه عرض ایدیه جك قوانین و مقاولاتی ترتیب و احضار ایتک ، تدابیر مقتضیه اداریه یی تدقیق و اتخاذ ایله مک ، قوانین مشترک نك اجراسی ایچون ایجاب ایدن تعلیماتی ویرمک ، بوقوانینك تطبیقنده کوریه بیه جك خطیاتی

[*] بوقونفدهده راسیونی تأسیس ایدن عقد acte constitutif ، عین سنه نك ۲۷ حزیراننده هیئت مجتمعه نك رئیس عالیسی پروسیا قرائنك براراده سی ایله نشر و اعلان ایدلش ایدی .

[**] پروسیا (۱۷) ، باویه را (۶) ، ساکس (۴) ، وورتمبرغ (۴) ، باد (۳) ، هس (۳) ، مکلنبورغ شوه دین (۴) ، برونسویک (۲) ، و دیگر دوقهلق و پرنسلکلرک هر بری برر رایه مالک و جمله سنك یکونی (۵۸) ه بالغ ایدی .

تصحیح و نواقصی آتام ایتمک، امور مالیہ انجمنک راپوری اوزرینہ رسومات ایله طوز، شکر و توتون اوزرینہ موضوع تکالیفک یگون عمومیسنی صورت قطعیه ده تعیین ایتمک ایدی . ریاست و نظارت عامه ، پروسیانک بو مرخصنه عائد اوله جقدی . دول اجنیه ایله تجارت و سیر سفائن معاهداتی مذاکره و عقدینه یالکزشمالی آلمانیا قونفده راسیونک رئیس عالیسی یعنی پروسیا قرالی صلاحیتدار ایدی . فقط بومعاهداتک احکامی مجلس اتحادینک تصویبینه اقتران ایتمک ایجاب ایدیوردی . تطبیق و اجرایی گومروک پارلامنتوسنک تصدیقه و ابسته ایدی .

بو (چول پارلامنت) ه کلنجه بوده اهلینک وکالت عمومیه سنی حائزه اونک برتمال مشترکی ایدی . اوده برلینده اجتماع ایدیوردی . بو پارلامنتو، شمالی آلمانیا قونفده راسیونی رئیسکده انضمام موافقتیه مجلس اتحادینک ویره جکی برقرار موجبجه فسخ اوله بیله - جکدی . گومروک پارلامنتوسی، قونفده راسیون مجلس مبعوثانک (رایخشتاغ) اعضاسیله جنوبی آلمانیاک درت دولندن دوغروندن دوغروییه و خفی بررأی عام ایله اوج سنه ایچون منتخب مبعوثلردن ترکیب ایدیوردی .

گومروک پارلامنتوسنک مذاکراتی علنی ایدی . مجلس اتحادی کبی (چول پارلامنت) ده تکلیف قوانین حقنه مالگدی و چولفراینک قوانینی مذاکره و قبول ایدیوردی . تصویبیه عرض اولتان معاهدات حقنه مداوله افکار ایدر ، استدعا حقنک اجرایی تمرکز ایتدیریدی . چولفراین قوانین رسومیه سی هر مملکتده مرعی اشکاله کوره دول مشارکه ممالکنده اعلان ایدیلیدی .

۱۸۷۰-۷۱ آلمانیا فرانسه محاربه سنی متعاقب (آلتزاس - لورن) گومروک اتحادینه گirdی . و گومروک اتحادی ده آلمانیا ایمپراطورلغنه منقلب و آنک ایچنده منحل اولدی . ۱۸۷۱ قانون اساسیسی موجبجه الیوم تجارت و گومروک عائد بالجله امور ، ایمپراطورلغک دائره تشریغه داخل اولدیغندن آلمان دولتر حقنه چولفراینک ، مستقل بر « آنستیتوسیون » صفتیه موجودیتی ختام بولمشدر . فقط حکومت ایمپراطوریه تک نظارت عالییه سی تحتده گومروک وحدتی بردوامدر . آلمان گومروک منطقه سی ، تقریباً آلمانیا حدود سیاسییه توافقی ایدر . شو فرقله که چولفراینک اعضایی میانده بوکونه قدر آلمان ایمپراطورلغک اجزاسندن معدود اولمیان لوکسنبورغ ، بوبوک دوقه لغی ده واردر .

۴

برگومروك اتحادينك منجراولدينى نتايچ سياسيه نك اك گوزه چاربان مثالى، صفحات تكاملنى ايضاح ايتديكمز آلمان چولفراينى در . فقط معين بر حادثه دن نتايچ عموميه چيقاريبور كى گورونمكسزىن بونوع معاهده لرك ماهيت واوصاف اساسيه سنى بومثاله كوره تعيين ايتك موافق وسهل اولماز . مع هذا تاريخ بزه دوعروودن دوعرويه مثاللرك فقداينى معقول وقناعت بخش قياسلرله اتمامه امكان ويرمكده در :

از جمله بردولك مختلف ولايتلى آره سنده داخلى گومروكلرك الغاسى بو ولايتلر ييتده برگومروك اتحادى ديمك اولوب ملتك هيئت عموميه سى ايچون عين نتايچى حصوله كتيرير . نته كيم بو، برچوق مملكتلرده گورولمشدر . آوسترياده ۱۸۶۷ دن اول وصوكره اتحاد حقيقى حالده بردولك مختلف اقسامى آره سنده گومروك اتحادينك نتايچى مشهود اولمشدر . حكومات متحده آمريكا واسويچره قانطونلى برگومروك اتحادينك برفه دراسيونده حصوله كتيره جكي نتايچى ارايه ايدرلر .

بوغومروك اتحادلرينك نتيجه سى اولان احوال وحادثات، آلمان چولفراينك تكاملى ايله ترافقايدن احوال وحادثاته قياس ايديليرسه آره لرند بكم معين مشابهلر مصادف نظردقت اولور : سلطنت واستقلاله صاحب قالمقلا برابر منافع اقتصاديه لرني مزج ايتك امنيه سنده بولتان دولتلر طرفدن سربستجه منعقد گومروك اتحادى، فهد دراسيون حالده متشكل حكومات آره سنده اتحاد سياسى اشكالندن واك قوى روابطن بريسى اولان گومروك اتحادى ..، براتحاد شخصى ده عين حكمدار طرفدن اداره اولتان دولتلر آره سنده بر اشتراك منافع، بر ارتباط متقابل تأسيسى ملاحظه سنه مستند گومروك اتحادى، اتحاد حقيقى حالده بولتان بردولنده دولتى تركيب ايدن مختلف ملترك منافعنى مزج ايله قوه مركزيه نك نفوذنى ده معين صورتده تأسيس ايله ملك ايچون حكومت طرفدن انفاذ ايديلن بر گومروك اتحادى، متجانس برمملكتده وحدت مليه نك ترقياتندن ومركزيت اداريه دن منبعث اولان گومروك اتحادى... متنوع شرائط داخنده ومختلف درجه لرده هپ عين حادثه نك اشكال وصفحات عديده سنى عرض ايدرلر .

بوندن استتاج اولونوركه گومروك اتحادى معاهده لرى ، متعدد وقناعت بخش تجربه لرى اجرا ايديلن معاهدات ومقالات ايله عين وضوح وقطعيتله تصوير

ایدیله مسه بیله ینه بویوک براحمال صحتله تعریف وتوصیف اولونه بیلیر واونلردن منبعث نتایجك بر خلاصه عمومیه سنی ویرمك ممكن در .

برگومروك اتحادینه داخل دولترلر ، مبادلات بین الملل نقطه نظرندن یالکیز بردوات تشکیل ایدرلر . بوحالده برگومروك اتحادیله برلشن دولترلر آره سنده ضابطه حدودلرینی ادامه ایتمك خیلی مشکل اولور . اتحاد داخلنده انسانلرك ایاب وذهابی ، امتعه واشیانك سوقیات متقابلیه سی ، بالضروره ترقی وتوسع ایدر ، بردولتدن دیکرینه بر حرکت مبادیه تگون وتقرر ایلر .

بو بحثده رأیلردن استفاده ایتدیکمز (فونق بره نتانو) ایله (آلبر صورمل) ، بر حقوق دول تلخیصندن زیاده بر سیاست نامه اولان اثر مشترکلرنده بحق شو مطالعاتی سرد ایدیورلر : [*] « بو صورتله ایکی ملتك افرادی بر برینه ده زیاده یاقلاشیر ، تجارت وصناعتلری ده متعین بر صورتده کسب ارتباط ایدر سه بوحالك اودولتلسیاستده نظر اعتباره آلمسی ضروری اولور . اتحادك ارکانندن برینك گیریشه جکی بر حرب ، دیکرنده بالجمله منافع خصوصیه ایراث تأثیرات ایلر واوراده سعی وعملك ومبادله نك بتون وضعیتنی زیر وزبر ایدر . بناء علیه گومروك اتحادی عقد ایدن دولترلر ، بر محاربه یه میدان ویرمه مك خصوصنده عین منفعتی حازدرلر . بومنفعت ، او درجه واضح ، او قدر مبرمدرکه بر اتفاق تدافعی ، گومروك اتحادینك همان دائما ضروری بر نتیجه سی در دینله بیلیر . »

« مع مافیه گومروك اتحادینی عقد ایدن دولتلردن بری دیکرلری اوزرنده بویوک بر رحجان قوت وقدرته مالك ایسه ضعیف دولترلر ، گومروك اتحادینی ادامه ضرورتی آلتنده ، اقوی دولتك مرام و اراده سنه اتباعه وتشبثات سیاسیه سنده آتی تعقیبه مجبور اولورلر . اوزمان تجاویزی وتدافعی بر اتفاق ، گومروك اتحادینه انضمام ایدر وغیر مساوی اتفاقلرك حصوله کتیردیکی بالجمله نتایج ، بومتفقلر آره سنده ده تحصیل ایدر . فقط شوحالده بومتفقلر بیننده اولجه تأسس ایتمش و - دائمی بر سعی ومبادله ترتیبات وتنظیماتنه استناد ایتمك حسیله - سیاسی وموقت تدایردن چوق زیاده بر قوتله آنلری ربط ایله مش اولان منافع تجاریه وحدت ومشارکتی ، غیر مساوی اتفاقلرك نتایجینی اعظام وتوخیم ایدر . حتی

اولیہ حاللر وارد رک کومروک اتحادی، دولترک حاکمیت واستقلالنک تغیر واستحاله سنه وبلکده زوال تامنه منجر اولور.

بزه قالیرسه هر کومروک اتحادینک بای حال بونتایجی ویره جکنی بر قطعیت ریاضیه ایله ادعا ایتک بر آز مفرط کورینور. زیرا بویله بر مقاوله عقد ایدن دولترک یکدیگریته نظراً حال ووضعتلری سیاست، اقتصاداً اودرجه متنوع اوله بیلیر که نتایج اتحادک مطلقاً مماثل اوله جغنی وضوحله کسدرمک قابل اولماز. شوقید احتیاطی بی درمیان ایتکله بر بر منطق شئونک، مناسبت ومقارنتلری بودرجه صمیمی دولتر آره سنده آزچوق جدیت واهمیتله نظر اعتباره آلفغه شایان بعض محاذیر سیاسته تولیدندن خالی قالمایه جغنی تسلیم ایدیه بیلیر. بومحاذیر، ایضاح ایدیلندن دها باشقه بررنک وروشده آله بیلیر:

اتحاده داخل مملکتلرک اهاالسی یکدیگریله کوندن کونه مزدداد مناسباتده بولونورلر. اونلر عادتاً بر برینه قارشی اجنبی حال ووضعتنده قالمالزلر. چونکه اونلرک مشترک منفعتلری وارد رک منسوب اولدقلری حکومتلر طرفندن مشترکاً تمشیت واداره اولونور. بوملتلر، محصوللریله عین زمانده فکرلرینی ده تعاطی ایدرلر. بونک نتیجه سی اوله رق اخلاق وعادات ملیه ده برتحول حصوله کلیر. اتحادک اقسامندن بولنان بهر دولت سیاست داخلیه سنک اتحادک دیگر دولترلی سیاستی اوزرنده بر عکس تأثیر وجوده کتیرمه می، اولک سنده دها واسع بر حریت سیاسیه دن تنم ایدیلن دولتک دول سائرته نک حر فکرلرینی جذب ایتهمی، قلمرو اداره سنده انتظام وامینتی دها ایی تأمین ایدن بر مملکتک، حکومتی دها عاجزه دها بجزیکسز بولنان دیگر بر دولت رجال فعاله سنه القای حرمت ایله مه می غیر قابلدر.

اگر اتحادی عقد ایدن دولترک حکومتلری مماثل، ملتلرینک عنعنات تاریخیه سی قریب وتمامیلاتی مشابه ایسه، اورالده تربیه فکریه و اخلاقیه همان همان عین سویه تکمیلده ایسه واکر آنلرک ایچلرندن هیچ بری، دیگرلری اوزرنده تغلب وتحکم نیت ووسائطنه سالک ومالک دکلسه کومروک اتحادی ایله محدث وضعیت جدیده نک نتیجه ضروریه سی اولان حلول متقابل سایه سنده سجه ملیه ده ترقیات اممه فائده بخش وسیع ورفیع برتحاول حصوله کلیر؛ وبومتحد هیئتلرک کافه سی عین زندگی یه، عین مقدرت معنویه یه مالک ایسه آنلرک امتزاجندن آزوقته یکی برملیت ترسم ایدر. وبوصورتله کومروک اتحادینک

متجانس اولسه بيله بدياة متفرق بولونان عناصری يالكز بر حزمه سياسيه ده برلشمكه ميل ايدر .

فقط بوشرائط موجود دكلسه وبالعكس كومروك اتحاديه مربوط ملتاردن بری ، تربيه فكريه وقدرت energie مغويه جه ديكرلرينه پك فائق برحالده ايسه ، اكر بونك عنعنات وطبايعی قوی ، ديكرلرينكی مشكوك وبی قرار ايسه . . وبومتري ملت ايي تأسيس وایي اداره ايديلن بر حكومه مالك بولونيورسه ، - ايستر ايسته من - كندی اخلاق و افكاريني ديكرلرينه تنفيذ ايدر . بالنسبه ضعيف اولان ملتلك ماهيت وطبيعت مليه سی دوچار تغير وانخساف اولور . حتی حقوق دول علماسندن پروفيسور (آفرده قره تيهن) ديركه :

« ضعيف دولتler آزوقته براسارت اقتصاديه آلتنه كيره جكلرنندن انفساخی كنديلرينی تماماً محو و خراب ايدم جك اولان براتحاددن افتراق وانفكاكه جسارت وقوت بولامازلر . مساعدات ، مساعدات اوستنه ، فراغت فراغته انضمام ايدمرك نهايت اونلرك استقلاللرينی برلفظ بی معنا حالته قوينجهيه قدر دوام ايدر ، [*] والحاصل بو احتمال كوره بيكي برملت تشكل ايدم جك يره اسكي ملتلك نابود اولديني كوريلور ، اونلر ده قوی ملت طرفندن بلع وبوملتي اداره ايدن حكومه بند ايدلمش اولور .
گومروك اتحادلرينك دهآز حائز اهميت اولمايان نتایج اقتصاديه سنه كلنجه - بونلرك ايضاحنی اقتصادله اشتغال ايدن آرقادشليمه براقبورم .

حقوق فاكولته سی حقوق عمومیه دول مدرسی
ومديري

احمد صلاح الدين